

ղութացման նպատակներին»⁷¹։ Ցարական կառավարությունը, սակայն, հեղափոխական շարժումների և զինված ըդհարումների ազդեցության տակ լկառողացավ իրականացնել իր այդ մտադրությունը։

Եկեղեցական ունեցվածքը զենքի ուժով գրավելուց հետո էլ հարցը չէր սպառվում։ Հայ գյուղացիները հրաժարվում էին նվաճված հողերը մշակել, արհեստավորական և այլ ձեռնարկությունները վարձակալել, փչացնում կամ թաքցնում էին հավաքված բերքը։ Այդ էր պատճառը, որ ցարական կառավարությունը միայն 1904 թ. գրաված հայ վանքապատկան հողերից 111.290 ուրվով պակաս եկամուտ ստացավ։

Հակացարական ցույցերի ելած հայերը 1903—1905 թթ. եկեղեցական գույքը բռնագրավելու, հարկերն ու տուրքերը զանձելու ժամանակ, ցարական պաշտոնյաների հետ զինված ընդհարումների ընթացքում, բիշ զոհեր չտվեցին։ Նրանք միաժամանակ դատաստան տեսան իշխանության բազմաթիվ ներկայացուցիչների կամ այն վախկոտ հոգևորականների հետ, որոնք հաճոյանալով պաշտոնյաներին, հոժարակամ տրամադրում էին եկեղեցական ունեցվածքը։

Դաշնակցական և հնչակյան կոմիտեները դիմեցին տեղորոշական տակտիկայի։ 1903 թ. հոկտեմբերի 14-ին հնչակյան ահաբեկիչները Գուլիցինի դեմ անհաջող մահափորձ կատարեցին։ Լինելով Կովկասի քաղաքացիական մասի զլխավոր պետ և կովկասյան զինվորական օկրուգի հրամանատար (1897—1904), նա խիստ դաժան, ռեակցիոն քաղաքականություն էր վարում։ Ահաբեկման ենթարկվեցին նաև Ելիսավետպոլի փոխնահանգապետ Անդրեևը, Սուրմալուի գավառապետ Բոգուսլավսկին, սահմանային պահակախմբի զենդապետ Բիկովը, հարկային տեսուչ Շչերբակովը, Բաբլի նահանգապետ իշխան Նակաշիձեն, Կարսի ժանդարմական վարչության թարգմանիչ Վասիլի Դրոզդովը և տասնյակ ուրիշներ։ Հեղափոխական սոցիալ-դեմոկրատիան դատապարտելով հայ նացիոնալիստների անհատական ահաբեկման տակտիկան, աշխատավորներին պարզաբանում էր, որ ինքնակալության գահալիժման համար հարկավոր է ժողովրդական ապստամբություն, դասակարգային կռիվ։ «Գուլիցինները և նրա նմանները կանհետանան և ինչպես ծուխ կցրվեն միայն ինքնակալության անկմամբ»⁷², — ասված է ՌՍԴԲԿ Կովկասյան միութենական կոմիտեի «Գազանը վիրավորված է» կոչում։

Հայ ժողովրդի ծավալած հակացարական մասսայական շարժումը դասակարգային խոր արմատներ ուներ։ Դա ցարիզմի ռեակցիոն քաղաքականության դեմ հայ ժողովրդի դժգոհության պոռթկումն էր։ Այն իր բովանդակությամբ, իր բնույթով ազգային-ազատագրական շարժում էր ընդդեմ ցարիզմի քաղաքականության։ Համաժողովրդական այդ ելույթը կառավարության դեմ խոշոր նշանակություն ունեցավ հայ ժողովրդի հեղափոխական պայքարի հետագա ծավալման ու խորացման գործում։

4. ԲՈՒՇԵՎԻՅԱՆ ԿԱԶՄԱԿԵՐՊՈՒԹՅՈՒՆՆԵՐԻ ԶԵՎԱՎՈՐՈՒՄԸ

ՌՍԴԲԿ II համագումարը, որ տեղի ունեցավ 1903 թ. հուլիս-օգոստոս ամիսներին, սկզբում Բրյուսևելում, ապա Լոնդոնում, կարևորագույն ուղեկիչ

⁷¹ Նույն տեղում, թ. 51։

⁷² «Բնույթիս կույր և թուլեկներ (1902—1921)» ժողովածու, էջ 62—65։

հանդիսացավ Ռուսաստանի բանվոր դասակարգի պայքարի պատմության մեջ, շրջադարձային կետ՝ համաշխարհային հեղափոխական շարժման մեջ, Համագումարի հիմնական արդյունքը Ռուսաստանի մարքսիստական լենինյան կուսակցության ստեղծումն էր։ Համագումարն ընդունեց կուսակցության ծրագիրը և կանոնադրությունը, ընտրեց կենտրոնական կոմիտեի և կենտրոնական տպագիր օրգանի խմբագրության կազմը։

Վ. Ի. Լենինի կողմնակիցներին, որոնք կուսակցության ղեկավար մարմինների ընտրությունների ժամանակ ձայների մեծամասնություն ստացան, սկսեցին անվանել բոլշևիկներ, իսկ հակառակորդներին՝ մենշևիկներ։ «Բոլշևիկ» բառը համաժողով դարձավ «լենինյան» և «կոմունիստական» հասկացողությանը՝ «Բոլշևիզմ», — գրել է Վ. Ի. Լենինը, — որպես քաղաքական մտքի հոսանք և որպես քաղաքական կուսակցություն, գոյություն ունի 1903 թվականից»⁷³։

Վ. Ի. Լենինի ջանքերով ընդունված հեղափոխական ծրագրի մեջ որպես հիմնական խնդիր առաջ էր քաշվում պայքարը պրոլետարիատի ղեկատարության հաստատման համար։ ՌՍԴԲկ ծրագիրը նախապատրաստելու և ընդունելու ժամանակ պայքար էր մղվում ծրագրային հիմնական հարցերի շուրջը՝ կապիտալիզմի ընդհանուր տենդենցի, գնահատման, սոցիալիստական հեղափոխության, պրոլետարիատի ղեկատարության, բանվորների և գյուղացիների դաշինքի, ազգերի ինքնորոշման իրավունքի, տարերայնության ու գիտակցականության, բանվորական շարժման մեջ կուսակցության ղեկավար դերի, նրա նպատակների ու խնդիրների շուրջը։ Այս բոլոր հարցերում հաղթանակեցին Վ. Ի. Լենինը և նրա համախոհները։ Համագումարի որոշման համաձայն 1903 թ. սեպտեմբերին ՌՍԴԲկ կենտկոմը Կովկասյան միությունը ճանաչեց որպես կուսակցության շրջանային կազմակերպություն, հաստատեց նրա կանոնադրությունը։ «Պրոլետարիատի կոիվը» թերթը ընդունվեց որպես Միության պաշտոնական օրգան։

ՌՍԴԲկ II համագումարում կովկասյան պատգամավորներից Բ. Կնունյանցը (նրա ծածկանունն էր Բակինեց, Ռուբեն, ըստ արձանագրությունների՝ Ռուսով) և Ա. Զուրաբյանը (Ռաշիդ-բեկ) կանգնած էին լենինյան դիրքերի վրա։ Իր քաղաքական ակտիվությամբ և հետևողականությամբ հատկապես աչքի ընկավ Բ. Կնունյանցը։ Նա բովանդակալից ճառ արտասանեց ՌՍԴԲկ Բաբկի կազմակերպության կողմից, մի շարք ելույթներ ունեցավ և պաշտպանեց լենինյան դիրքը։ Դատապարտելով օպորտունիզմը կազմակերպական հարցերում, Բ. Կնունյանցը գտնում էր, որ պրոլետարական կազմակերպությունների պետք է ստեղծել ոչ թե ըստ ազգային հատկանիշի, այլ տերիտորիալ սկզբունքով, բանի որ բոլոր ազգերի և ժողովուրդների պրոլետարիատի դասակարգային շահերը միասնական են և այդ շահերը պետք է պաշտպանի կենտրոնացված կուսակցական կազմակերպությունը։ «Ես գտնում եմ, — ասում էր Բ. Կնունյանցը, — որ կուսակցության յուրաքանչյուր անդամ հանդիսանում է ամբողջ Ռուսաստանի, ամբողջ պրոլետարիատի ներկայացուցիչը։ Իսկ եթե մենք մեր յուրաքանչյուր պատգամավորի ընդունենք որպես պրոլետարիատի ազգային խմբերի ներկայացուցիչ, ապա ես ստիպված կլինեմ ինձ համարել Անդրկովկասում ապրող ուս, վրացի, հայ, թաթար և հրեա պրոլե-

տարիատի աղջային խմբերի ներկայացուցիչ, բայց այդպիսի երկար տիրոջսից ես սիրով հրաժարվում եմ, որպեսզի ինձ վրա վերցնեմ Ռուսաստանի պրոլետարիատի ներկայացուցչի հաճելի անունը»⁷⁴:



Բազման Կնունյանց

Վ. Ի. Լենինը իր «Մի քայլ առաջ, երկու քայլ հետ» գրքում անդրադառնալով Բ. Կնունյանցի-Ռուսովի ճառին, գրել է. «Մենք խորհուրդ կտայինք բոլորին, ովքեր ուզում են ինքնուրույնաբար վերլուծել կուսակցական պառակտման պատճառները և գտնել նրա արմատները համագումարում, կարգալ և վերստին կարգալ ընկեր Ռուսովի ճառը, որի փաստարկումները փոքրամասնությունը ոչ միայն չհերքեց, այլև նույնիսկ ըվիճարկեց»⁷⁵:

ՌՍԴԲԿ II համագումարից հետո Բ. Կնունյանցը ակտիվ աշխատանք է կատարում «Իսկրայում»: Ժնևից 1903 թ. վերջին, ՌՍԴԲԿ II համագումարի արդյունքների մասին նա ծավալուն նամակ ուղարկեց կուսակցության Բաքվի կոմիտեին⁷⁶, հանգամանորեն նկարագրելով համագումարի ողջ ընթացքը, ճիշտ կողմնորոշելով նրանց ստեղծված նոր իրադրության մեջ:

ՌՍԴԲԿ II համագումարում մենշևիկյան ճահիճը զլորվեցին Ն. Ժորդանիան, որը համագումարին մասնակցում էր խորհրդակցական ձայնով և Դ. Թոփուրիձեն (Իսաբի, ըստ արձանագրության՝ Կարսկի), Սերտորեն համագործակցելով Տրոցկու, Մարտովի, Աքսելրոդի և նրանց կողմնակիցների հետ, նրանք խախտեցին Կովկասի սոցիալ-դեմոկրատների տված նակազը և օպորտունիստական, մենշևիկյան գիծ վարեցին համագումարում: Վերադառնալով համագումարից Ն. Ժորդանիան և Դ. Թոփուրիձեն իրենց համախոհների հետ միասին ֆրակցիոն-պառակալիչ գործունեություն ծավալեցին Կովկասում, հատկապես Կովկասյան միության կազմում:

ՌՍԴԲԿ Կովկասյան միությունը, Թիֆլիսի, Բաքվի, Բաթումի և այլ կոմիտեներն սկզբից ևեթ կանգնելով բուլշևիկյան դիրքերում, պայքարում են մենշևիկների դեմ: 1903 թ. հոկտեմբերի սկզբներին միութենական կոմիտեն Դ. Թոփուրիձենի քայքայիչ գործունեության համար հեռացնում է կուսակցական աշխատանքից՝ նրա հարցը զննելով կենտրոնական կոմիտեի առջև: Վ. Ի. Լենինը արտասահմանից ողջունեց միութենական կոմիտեի այդ որոշումը:

74 Второй съезд РСДРП, июль—август, 1903, Протоколы, М., 1932, стр. 58—59.

75 Վ. Ի. Լենին, ՆԺ, հ. 3, էջ 376:

76 ՏՃՄ Կ. Կնունյանց, Ընտիր երկեր, Երևան, 1978, էջ 54—66:

Վ. Ի. Լենինը և Գ. Պլեխանովն իրենց նամակում, լիովին հավանություն տալով Կովկասի բոլշևիկների վարած հեղափոխական գծին, գրել են. «Թող Կովկասի ընկերները հաստատորեն ընթանան այն ուղիով, որի վրա նրանք կանգնել են: Թող նրանք չլսեն բամբասանքները մեծամասնության դեմ... Թող նրանք շարունակեն համերաշխ աշխատանքը ընկերական վստահության միջամբ դեպի Կենտկոմը, և մենք համոզված ենք, որ այժմյան կուսակցական «խառնակությունը» արագորեն կվերանա»⁷⁷:

Կովկասում բոլշևիզմի դիրքերի ամրապնդման գործում կարևոր դեր խաղաց 1903 թ. հոկտեմբերի երկրորդ կեսին Թիֆլիսում գումարված ՌՍԴԲԿ Կովկասյան միության II համագումարը, որին մասնակցում էին Բաքվի, Թիֆլիսի, Բաթումի, Իմերեթ-Մինգրելական կոմիտեների և «Պրոլետարիատի կոիվը» թերթի ներկայացուցիչները: Քննարկված զլխավոր հարցերը, ՌՍԴԲԿ II համագումարի արդյունքները և միության հետագա գործունեության ծրագիրն էին:

Հակառակ մենշևիկների դիմադրությանը, Կովկասյան միության համագումարը ձայների լիակատար մեծամասնությամբ հավանություն տվեց ՌՍԴԲԿ II համագումարում Վ. Ի. Լենինի և նրա կողմնակիցների բռնած դիրքին, ընդունեց բոլշևիկյան բանաձևեր, Միության կանոնադրության նախագիծը, դատապարտեց մենշևիկների քայքայիչ գործունեությունը, կոչ արեց պաշտպանել միասնական կուսակցության ստեղծման համար Կենտկոմի ձեռնարկումները⁷⁸:

Համագումարից հետո Միութենական կոմիտեի ղեկավարները, հատկապես Մ. Ցխակյան, Ա. Մուլուկիձեն, Ա. Զուրաբյանը⁷⁹, Գ. Պոստայևսկին և ուրիշներ մեկնեցին Հայաստանի, Վրաստանի և Ադրբեջանի քաղաքներն ու զինվորական կայազորները՝ ղեկուցումներ տալու, տեղական կուսակցական կազմակերպությունները Վ. Ի. Լենինի շուրջը համախմբելու համար:

Միութենական կոմիտեի օգնությամբ 1903—1904 թթ. իրենց աշխատանքն աշխուժացնում են Հայաստանի սոցիալ-դեմոկրատական խմբակները, ձևավորվում են նոր, բոլշևիկյան կազմակերպությունները: 1903 թ. ամռանը Միութենական կոմիտեի ներկայացուցիչ Մելիք Մելիքյանի, Ասատուր Կախոյանի աջակցությամբ ձևավորվում է Հաղպատի լենինյան-խկրայական բոլ-



Միկա Ցխակյա

77 Վ. Ի. Լենին, Երկեր, հ. 34, էջ 198—199:

78 Տե՛ս «Второй съезд РСДРП», М., 1959.

79 Ա. Զուրաբյանը Միութենական կոմիտեի կազմում կուսուցիչայի ենթարկվեց համագումարից հետո:

շեխիյան բջիշը՝ Հայաստանի բոլշեխիյան անդրանիկ կազմակերպություններից մեկը։ Նրա շարքերում ընդգրկված էին Հաղպատ կայարանի և գյուղի, Սանահինի և այլ վայրերի սոցիալ-դեմոկրատները, որոնք անգնահատելի ծառայություն մատուցեցին կուսակցության II համագումարի որոշումները տարածելու, մասնաների մեջ քաղաքական-բացատրական աշխատանք կատարե-



Ստեփան Շահումյան

լու, հակացարական ելույթները զլխավորելու գործում։ Ռուսական առաջին հեղափոխության նախօրյակին բոլշեխիյան կազմակերպություններ են ստեղծվում նաև Ալավերդու գործարանում ու հանքերում, Երևանում, Ալեքսանդրապոլում, Կարսում, Սանահին, Ալեքսանդրապոլ կայարաններում և Հայաստանի այլ վայրերում։

1904 թ. ամռանը Միութենական կոմիտեի անդամ Ստ. Շահումյանը եղավ Հոռիում, Երևանում, Նա անձամբ հետաքրքրվեց Երևանի արական գիմնազիայի սոցիալ-դեմոկրատական կազմակերպության աշխատանքով, որը ղեկավարում էին Տոմսկի տեխնոլոգիական ինստիտուտի ուսանող Ալեքսանդր Մալխասյանը, ինչպես նաև Մոսկվայի համալսարանից արտաքսված Գ. Սո-

կոլովակին։ Ստ. Շահումյանի այդ շրջադասությունն ունեցավ այն խոշոր նշանակությունը, որ տեղական բոլշևիկյան կազմակերպություններն ու խմբերը անմիջական կապ հաստատեցին ՌՍԴԲԿ Կովկասյան միութենական կոմիտեի հետ։

1904 թ. արդյունավետ աշխատանք կատարեցին Ալեքսանդրապոլ և Սանահին կայարանների սոցիալ-դեմոկրատական կազմակերպությունները, Ալեքսանդրապոլի կայազորի սոցիալ-դեմոկրատական խմբակը, ՌՍԴԲԿ Ալեքսանդրապոլի զինվորական սոցիալ-դեմոկրատական խմբակը, որ հիմնադրվել էր 1902 թ., հետզհետե իր շարքերը համալրեց, ստեղծեց ընդհատակյա գրադարան և տպարան, կապ հաստատեց ՌՍԴԲԿ Կովկասյան միության և, ապա՝ Կենտկոմի հետ։

1904 թ. Ալեքսանդրապոլի բոլշևիկները մայիսմեկյան տոնակատարությանը տվեցին քաղաքական ցույցի բնույթ։ Ապրիլին քաղաքի սոցիալ-դեմոկրատական կազմակերպության ղեկավարությամբ գործադուլ արեցին մի քանի ձեռնարկությունների բանվորներ։ Նրանք ընտրեցին գործադուլային կոմիտե, որը մշակեց գործադուլավորների տնտեսական պահանջները և ներկայացրեց ձեռնարկատեր Զիթոդյանին, Նրբ. այդ պահանջները մերժվեցին, բոլշևիկները ապրիլի 30-ին գործարանի մոտ կազմակերպեցին մեծ միտինգ, որին մասնակցում էին քաղաքի շատ բանվորներ։ Միայն ոստիկանության միջամտությամբ հաջողվեց ցրել միտինգի մասնակիցներին։

ՌՍԴԲԿ II համագումարից հետո Կովկասյան միությունը նոր թափ է հաղորդում հեղափոխական գրականության, կոշերի, պրոկլամացիաների, թերթերի հրատարակությանը, հմտորեն օգտագործելով լեզալ և անլեզալ հնարավորությունները, Արժեքավոր է «Պրոլետարիատի կոմի» թերթիկը—1904 թ. հոկտեմբերի 1-ի համարում հրապարակված Ստ. Շահումյանի՝ «Երևանից (Հայ իրականությունից)» հոդվածը, ուր պատկերված է հայ իրականությունը, մերկացված բուրժուական նացիոնալիստները, հատկապես դաշնակցականները։ «Հայկական շատ գյուղերում,— գրել է Շահումյանը,— արդեն կան գյուղական երիտասարդության կազմակերպություններ, որոնք կապված են մեր կոմիտեների հետ, ստանում են մեր գրականությունը և լարված ուշադրությամբ հետևում են հայ և ալյազգի բանվորների հերոսական պայքարին։ Այս պայքարը... բնակչությանը կսովորեցնի մտածել քաղաքականորեն և գործել քաղաքականորեն, իր գրողի տակ կկազմակերպի նրա պրոլետարական և կիսապրոլետարական մասսաներին և վճռական թուպին նրանց գրոհի կտանի ինքնակալության դեմ, եղբայրորեն միացած... ուսա ժողովրդի հետ»⁸⁰։

«Պրոլետարիատի կոմի» թերթում հայերեն տպագրվել են Վ. Ի. Լենինի մի շարք հոդվածները, այդ թվում՝ «Երրորդ համագումարը», «Հեղափոխական պրոլետարիատի դեմոկրատական խնդիրները» և այլն, որոնք քաղաքական-դաստիարակչական հսկայական նշանակություն ունեցան։

Կովկասում բոլշևիզմի դիրքերն ամրապնդելու, լենինյանների հաղթանակն ապահովելու և մենշևիկներին մերկացնելու գործում կարևոր դեր խաղացին Միոլթեական կոմիտեի III համագումարը (1904 թ. մայիս) և կովկասյան բոլշևիկների առաջին կոնֆերանսը (1904 թ. նոյեմբեր)։

Միութենական կոմիտեի զեկուցման մեջ հանրագումարի էին բերվում

⁸⁰ Ստ. Շահումյան, ԺԺ, հ. 1, էջ 55։

մենշեիկների զեմ մղված պայքարի արդյունքները, ՌՍԴԲԿ III համագումարի նախապատրաստման ուղղությամբ կատարված աշխատանքը: Քննարկված 12 հարցերից կարևոր էին ապագա ցույցերի բնույթի, բանվորների, գյուղացիների, զորքի և սովորողների շրջանում տարվող ագիտացիոն-պրոպագանդիստական աշխատանքի և քաղաքական գրականության մասին զեկուցումները: Պրոպագանդայի և ագիտացիայի ծավալման հարցի շուրջ ծրագրային ելույթ ունեցավ Ստ. Շահումյանը, որը Գերմանիայից վերադառնալուց հետո մոտիկից ուսումնասիրել էր Անգրկովկասի բոլշեիկյան կազմակերպությունների գործունեությունը: Համագումարը, վերլուծելով Հայաստանում տիրող քաղաքական դրությունը, խնդիր դրեց հայկական գյուղում ուժեղացնել բոլշեիկյան ագիտացիան, մասսաներին աստիճանաբար ազատել ազգայնականների ազդեցությունից, բանվորներին և աշխատավոր գյուղացիներին ներգրավել բոլշեիկյան կուսակցության կողմը: Համագումարում սուր պայքար առաջացրեց կուսակցական գրականության, հատկապես «Պրոլետարիատի կոխիլը» թերթի հրատարակությունն արտասահման փոխադրելու հարցը: Մենշեիկները պատրվակ դարձնելով, թե «Պրոլետարիատի կոփի» հրատարակությունն արտասահմանում ապահովված կլինի ձախողումներից, նպատակ ունեին զսլ-թել միության օրգանը, այն վարել մենշեիկյան «Իսկրայի» ոգով: Բայց նրանց այդ առաջարկը մերժվեց:

Հայաստանում լենինյան գաղափարների տարածմանը, բոլշեիկյան կազմակերպությունների ձևավորմանը և նրանց գործունեությանը մեծ շահով օգնեց Վ. Ի. Լենինի նախաձեռնությամբ, ՌՍԴԲԿ II համագումարից հետո ժնեվում, 1904 թ. փետրվարին, ՌՍԴԲԿ Կենտկոմի հրատարակության կողմից ստեղծված վրացերեն և հայերեն լեզուներով սոցիալ-դեմոկրատական գրականություն հրատարակող հանձնաժողովը: Անգրկովկասում այդ ժամանակ մարքսիստական գրականության, հանրամատչելի ագիտացիոն բրոշյուրների պահանջը շափազանց մեծ էր: Բարձր և Թիֆլիսի ընդհատակյա տպարանները հիմնականում զբաղված էին թերթերի, թուղթիկների հրատարակմամբ: Մասնավոր տպարանատերերը հրաժարվում էին հեղափոխական գրականություն հրատարակել: Եվ ահա հենց այդ պայմաններում էր, որ Կովկասի բոլշեիկները Վ. Ի. Լենինին գրած նամակներում խնդրում էին՝ որքան կարելի է արտասահմանից ավելի շատ հայերեն և վրացերեն գրականություն ուղարկել Կովկաս: Միութենական կոմիտեին 1903 թ. հոկտեմբերի 20-ին ուղարկած նամակում Վ. Ի. Լենինը և Գ. Պլեխանովը գրել են. «Մենք այժմ եռանդուն մտածում ենք այստեղ վրացական և հայկական գրականության հրատարակության կազմակերպման մասին: Այդ գործին ձեռնամուխ են եղել ձեռնասրնկերներ, փող հույս ունենք ճարել: Հարկավոր է օգնություն և՛ գրականությամբ, և՛ միջոցներով»⁸¹:

1904 թ. փետրվարի 22-ին ՌՍԴԲԿ Կենտկոմը հաստատում է վրացերեն և հայերեն սոցիալ-դեմոկրատական գրականության հրատարակման հանձնաժողովի կազմը, որը Կենտկոմի հաստատած կանոնադրության համաձայն, ձեռնամուխ է լինում հրատարակչական աշխատանքներին: Հանձնաժողովի աշխատանքը Վ. Ի. Լենինի հանձնարարությամբ ղեկավարում էր Ստ. Շահումյանը: Հանձնաժողովի մեջ էին նաև Ա. Երզնկյանը (Գուգարիան), Մ. Մա-

⁸¹ Վ. Ի. Լենին, Ծրկեր, հ. 34, էջ 199:

նուշարյանը (Կարին, Չար)՝ Նյութական և բարդյական օգնություն ստանալու նպատակով հանձնաժողովը ժնկում, Բեռլինում և ալլուր ստեղծում է առանձին խմբեր, իր շուրջն է համախմբում Եվրոպայի հայ ուսանողների միության որոշ անդամներին։ Հանձնաժողովի կանոնադրության մեջ առված էր, թե սոցիալ-դեմոկրատական գրականության հրատարակման նպատակով խմբեր կազմակերպում են միջոցների հավաքում՝ բոլոր հնարավոր ձևերով՝ անդամավճարների, հանդանակության, գրական երեկույթների, գրականության տարածման, ինչպես և ցույց են տալիս գրական օգնություն, կատարում են թարգմանություններ և ալլ գործեր։ Կարճ ժամանակամիջոցում ժնկում կուսակցական տպարանը ձեռք է բերում հայկական տառեր և ձեռնամուխ լինում մարքսիստական գրականության հրատարակությանը։ Միայն 1904 թ. մարտին ժնկի կուսակցական տպարանում լույս են տեսել ՌՍԴԲԿ կանոնադրությունը՝ 700 օրինակ, պատերազմի առթիվ Վ. Ի. Լենինի գրած «Ռուս պրոլետարիատին» պրեկլամացիան՝ 7000 օրինակ, «Մարգիր ուս. սոց. դեմ. բանվ. կուսակցության» (ընդունված երկրորդ հերթական համագումարում)՝ 7000 օրինակ, «Մանուցում Ռուսաստանի սոցիալ-դեմոկրատական բանվորական կուսակցության երկրորդ հերթական համագումարի մասին»՝ 2300 օրինակ, ՌՍԴԲԿ II համագումարի բանաձևերը՝ 2300 օրինակ, Հրատարակվեցին Վ. Ի. Լենինի գրած ՌՍԴԲԿ Կենտկոմի մի բանի թոուցիկներ, այդ թվում՝ «Մայիսի մեկը», տպագրության պատրաստվեց Վ. Ի. Լենինի «Գլուղական չբավորությանը» բրոշյուրը։

Ստ. Շահումյանը ձեռնարկում է մարքսիստական մի շարք գրքերի, այդ թվում Կ. Մարքսի և Ֆ. էնգելսի «Կոմունիստական կուսակցության մանիֆեստի» (լույս տեսավ 1904 թվականին), Կ. Մարքսի «Վարձու աշխատանք և կապիտալ» թարգմանությունը։ Ժնկում հրատարակությանն օգնելու նպատակով Շահումյանը Բեռլինից ժնկ է հրավիրում Մ. Մանուշարյանին, որին հետ միասին իրականացնում է «Մանիֆեստի» թարգմանությունը։ Ժնկյալ հրատարակությունները տպագրվում էին հազարավոր օրինակներով և գաղտնի ճանապարհներով ուղարկվում Կովկաս՝ տարածվում հայ աշխատավորների շրջանում։ Միաժամանակ Ստ. Շահումյանը լայն գործունեություն է ծավալում Եվրոպայի բարձրագույն դպրոցներում սովորող հայ ուսանողների շրջանում։ «Բեռլինում գտնվող կովկասցի սոցիալ-դեմոկրատների փոքրաթիվ խումբը,— գրել է Շահումյանի այդ տարիների դառնկերներից Մ. Մանուշարյանը,— ի դեմս Սաևիանի ճանաչեց իր առաջնորդին և լիդերին, ճանաչեց անձայն և անզարձ կերպով»⁸², Շահումյանը Բեռլինի սոցիալ-դեմոկրատական կոմիտեի գործունյա անդամներից էր, գլխավորում էր «Եվրոպայի հայ ուսանողների միության» նացիոնալիստական տարրերի, հատկապես Բ. Իշխանյանի, Տ. Իսախանյանի և այլոց դեմ մղվող պայքար։ Նրա ջանադիր աշխատանքի շնորհիվ «Միության» մեջ աստիճանաբար թափանցում են մարքսիստական տրամադրությունները, միության անդամների մի մասն անցնում է սոցիալ-դեմոկրատիայի կողմը։

1905 թ. ապրիլին Վ. Ի. Լենինի հանձնարարությամբ և օգնությամբ Շահումյանը Բեռլինում մասնակցում է «Եվրոպայի հայ ուսանողների միության» VI կոնգրեսին։ Համագումար գնալուց առաջ Շահումյանը Լենինին հայտնում

⁸² «Бакинский рабочий», № 211, 20 сентября 1922, стр. 9—10.

է, թե «Միությունը» մինչև վերջերս գտնվում էր դաշնակցության ազդեցության տակ, որը մենաշնորհ կերպով օգտագործում էր Եվրոպայի գրեթե ամբողջ հայ ուսանողությանը, որ սոցիալ-դեմոկրատական աշխատանքի շնորհիվ իրեն հաջողվել է ուսանողության զգալի մասը թերեւ մեր կողմը: Այնուհետև նա պատմում է, որ կոնգրեսում հետաձուլ է լինելու, «որ Միությունը ցրվի և հայ ուսանողության բոլոր սոցիալ-դեմոկրատ տարրերը համախմբվեն սոցիալ-դեմոկրատիայի ղեկավարության ներքո»⁸³:

Կոնգրեսում իր շուրջը համախմբելով «Միության» հեղափոխական պատգամավորներին, Շահումյանը տրոհում է Միությունը: Ապրիլի 8-ին կոնգրեսում հրապարակվում է նրա կազմած «Մանիֆեստը»՝ ուղղված Եվրոպայում սովորող բոլոր սոցիալ-դեմոկրատներին որտեղ, հանգամանորեն վերլուծվում էր ստեղծված իրադրությունը, քննադատվում դաշնակցության գաղափարախոսությունը: 1905 թ. ապրիլին այդ «Մանիֆեստը» հրատարակվեց բոլշևիկյան «Վպրյոդ» թերթում:

1903 թ. վերջերին ժնեում հիմնվել էր, այսպես կոչված, «Սոցիալ-դեմոկրատական բանվորական հայ կազմակերպությունը», որն իր գործունեությունը տեղափոխում է Կովկաս՝ Բաբու: Թեև զրա հիմնադիրներն ու գաղափարախոսները (Բ. Իշխանյան, Ղ. և Ն. Տեր-Ղազարյաններ, Տ. Իսախանյան, Ե. Պալյան, Ա. Ռուբենի (Սատուրյան)⁸⁴, Գ. Պիճիկյան, Գ. Կոզիկյան (Սաւլեմ), Գ. Անանու և Թրիշներ կազմակերպությունը կնքել էին բանվորական անունով, բայց իրականում այն շատ հեռու էր այդպիսին լինելուց: Նրա գաղափարախոսներն այնքան հաճախ էին խոսում հայ իրականության առանձնահատուկ (սպեցիֆիկ) պայմանների մասին, որ սոցիալ-դեմոկրատները նրանց անվանեցին «սպեցիֆիկներ»: «Սոցիալ-դեմոկրատական բանվորական հայ կազմակերպությանը» խորթ էր հեղափոխական մարքսիզմը, պրոլետարական ինտերնացիոնալիզմը, ժողովուրդների բարեկամությունը, բանվոր դասակարգի ազատագրության գործը: Դա հեղափոխությունը հարած, բայց ըստ էության հեղափոխությունից շատ հեռու կանգնած գրականագետ ինտելիգենտների խմբակցություն էր:

«Սպեցիֆիկներին» առաջին և հիմնական սկզբունքը բանվորներին ըստ ազգությունների բաժանումն էր, պրոլետարիատի հեղափոխական ուժերի ջլատումը: Նրանց կարծիքով ամեն մի ազգությունը ներկայացնում է յուրահատուկ «սպեցիֆիկ» միջավայր՝ տարբեր դասակարգային շերտավորումով: Այդ պատճառով էլ հարկավոր է, որ ամեն մի ազգի մեջ ազատ և ինքնավար կերպով գործի այդ ազգի բանվորական կազմակերպությունը: Բունդի օրգան «Վեստեիկ բունդս» թերթն շտապեց աշխարհին ծանուցել, թե ինքը դաշնակից ունի Կովկասում, իսկ «Սոցիալ-դեմոկրատական բանվորական հայ կազմակերպության»:

«Սպեցիֆիկները» սկզբից եկթ հակադրվեցին ՌՄԴԲԿ-ին, բոլոր միջոցներով աշխատում էին կազմավորվել բանվորական շարժումները, հայ բանվորներին մեկուսացնել ռուս, վրացի, ադրբեջանցի և այլ ազգերի բանվորներից:

83 Ստ. Շահումյան, Նամակներ, Երևան, 1959, էջ 25—26:

84 Ալ. Ռուբենի 1912 թ. հեռագով «սպեցիֆիկներից» և մտավ բոլշևիկյան կուսակցության շարքերը:

րից, աշխատավորների շարքերում նացիոնալիզմ սերմանելու «Սպեցիֆիկները» վրացական ֆեդերալիստների, հրեական Բունդի օրինակով, հետևելով իրենց ավստրիական ուսուցիչներին, համարվում էին ինքնավար, «իրևա միակ ներկայացուցիչը հայ պրոլետարիատին»։ Նրանք նույնիսկ հանդգնեցին ասելու, թե ուղքեր կոդմենակից են ՌՍԴԲԿ «...կազմակերպական սխտեմին, քիչ արգելք չեն հանդիսանում, խանգարելով մեզ»⁸⁵։

1905 թ. հոկտեմբերին զոմարված համագումարում «Սոցիալ-դեմոկրատական բանվորական հայ կազմակերպությունն» իր կանոնադրության մեջ հարձակումներ կատարեց ՌՍԴԲԿ-ի վրա⁸⁶։

Վ. Ի. Լենինը գտնում էր, որ «Անշատ անջատ բանվորները ոչինչ են։ Միավորված բանվորները՝ ամեն ինչ»⁸⁷, յուրաքանչյուր գիտակից բանվոր իրեն պետք է համարի մարքսիստների միջազգային ընտանիքի անդամ և չկտրվի բանվորների միջազգային կազմակերպությունից, որ կյանքում հարկավոր է կիրառել ս. դ. բանվորների ինտերնացիոնալ միասնության սկզբունքը, «...մի սկզբունք, որն այնքան փայլուն կերպով ստուգված է Կովկասում սկսած 1893 թվականից»⁸⁸։ Մինչդեռ «սպեցիֆիկները» պահանջում էին բանվորներին ըստ ազգությունների բաժանող և նրբին նացիոնալիզմ քարոզող «կուլտուր-ազգային ալտոնոմիա», հայ բանվորներին կոչ էին անում՝ պարփակվել ազգային կեղևի մեջ։

Այդ է պատճառը, որ երբ 1904 թ. ազգային սոցիալ-դեմոկրատների միավորման հարցը կուսակցության խորհրդում քննարկվեց և որոշվեց միջկուսակցական կոնֆերանս հրավիրել, Վ. Ի. Լենինն արտահայտվեց «Սոցիալ-դեմոկրատական բանվորական հայ կազմակերպության» ներկայացուցիչների մասնակցության դեմ։ 1905 թ. սեպտեմբերի 7-ին, Վ. Ի. Լենինը ՌՍԴԲԿ Կենտրոնի անդամներին ուղարկած ծրագրային նամակում գրել է. «Խիստ նախազգուշացնում եմ Հայկական ս. դ. ֆեդերացիայի» վերաբերյալ։ Եթե դուք համաձայնել եք, որ նա մասնակցի կոնֆերենցիային, ապա ճակատագրական սխալ եք կատարել, որպիսին հարկավոր է ուղղել ինչ էլ ուր լինի։ Դրանք—մի զույգ Ժենյան կազմալուծիչներ են, որոնք այստեղ հրատարակում են ամենադատարկ բաներ, առանց որևէ լուրջ կապերի Կովկասի հետ։ Դա բուլղական կրեատուրա է, ուրիշ ոչինչ, որը հատկապես հորինված է Կովկասյան բունդիզմը սնելու համար... Կովկասի ընկերները բոլորն էլ դեմ են զրականագետ-կազմալուծիչների այդ շալկային (այդ բանը ես գիտեմ շատերից), և մենք շուտով կշշպրենք նրանց «Пролетарий»-ում։ Դուք կառաջացնեք միայն Կովկասի բողոքները և «հայտնություն» ու «միավորման» փոխարեն՝ նոր զգվրատուց։ Ասացեք, խնդրեմ, ինչպե՞ս կարելի է անտեսել Կովկասյան Միությունը, Ռուսաստանում բազմաթիվ աշխատողներին և մտերմանալ Ժենյան ճահճի տականքների հետ։ Աղբսում եմ, մի՛ արեք այդ բանը»⁸⁹։

85 «Կյանք», № 16, 1904, էջ 248։

86 «Սոց. դեմոկրատական բանվորական հայ կազմակերպության ծրագրի նախագիծը, կազմակերպական սխտեմը և կանոնադրությունը», 1905, էջ 1, 26, 27 և այլն։ «Սպեցիֆիկները» մինչ այդ իրենց կոչում էին «Հայ (հայկական) սոցիալ-դեմոկրատական բանվորական կազմակերպություն», հետագայում՝ «Հայ սոցիալ-դեմոկրատական բանվորական կուսակցություն»։ Շման բառախաղից Բունդի դաշնակցի էությունը չէր փոխվում։

87 Վ. Ի. Լենին, ԵԼԺ, հ. 24, էջ 237։

88 Վ. Ի. Լենին, ԵԼԺ, հ. 25, էջ 433։

89 Վ. Ի. Լենին, Ծրվեր, հ. 34, էջ 383—384։

Վ. Ի. Լենինը և նրա մերձավոր զինակիցներ Ստ. Շահումյանը, Բ. Կնու-
յանցը, Ս. Սպանդարյանը, Ս. Կասյանը, Ա. Մելիքյանը և ուրիշներ, մինչև
վերջ մերկացրին «սպեցիֆիկներին», ցույց տալով նրանց վնասակար, քայ-
քայիլ գործունեությունը:

1904 թ. հունվարին սկսված ուսու-ճապոնական պատերազմն էլ ավելի
սրեց հասարակական կյանքի հակասությունները և արագացրեց հեղափոխա-
կան իրադարձությունները: Քաղա-
կան տարրեր կուսակցություններն ու
դասակարգերը, հատկապես բոլշևիկ-
ներն ու մենշևիկները, սկզբից ևեթ
տարբեր մոտեցում գրաստորեցին պա-
տերազմի նկատմամբ: Բոլշևիկները,
Վ. Ի. Լենինի զխավորությամբ, մարք-
սիստական ճիշտ դիրքերից, պատե-
րազմը որակեցին որպես անարդարա-
ցի, թալանչիական, առաջադրեցին
ցարական կառավարության պարտու-
թյան լուծունգ: «Ռուսական ազատու-
թյան և սոցիալիզմի համար ռուսա-
կան (ու համաշխարհային) պրոլետա-
րիատի մղած պայքարի գործը,—գրել
է Վ. Ի. Լենինը,— շատ ուժեղ չափով
կախված է ինքնակալության ռազմա-
կան պարտությունից: ... Հեղափոխա-
կան պրոլետարիատը պետք է անխոնջ
կերպով ազդեցության մղի պատերազմի
դեմ, ընդամին միշտ՝ հիշելով, որ պա-
տերազմները չեն վերանա, բանի դեռ
մնում է դասակարգային տիրապե-
տությունն ընդհանրապես»⁹⁰:



Սուրեն Սպանդարյան

Պատերազմի և հեղափոխության հարցերում այլ դիրք գրավեցին մենշե-
վիկները: Նրանք պաշտպանում էին լիբերալ բուրժուազիայի շովինիստական
լուծունգը՝ «հաշտություն ինչ գնով լինի», այն չկապելով ինքնակալության
դեմ մղվող հեղափոխական պայքարի հետ:

Անգրկովկասի բոլշևիկները հետևողականորեն վարում էին լենինյան
տակտիկական գիծ: ՌՍԴԲԿ Կովկասյան միության ղեկավարությամբ Ալեք-
սանդրասյուլի, Երևանի, Լուռու և այլ կազմակերպությունները ծավալում են
հակապատերազմական պրոպագանդա, տարածում բոլշևիկյան կոչերն ու
թուղթիկները: Նրանք մերկացնում էին մենշևիկների պացիֆիստական լու-
ղունգները, աշխատավորներին պարզաբանում՝ հրաժարվել ռազմական հար-
կեր վճարելուց, բոլկոտիլ զինակոչը, պատրաստվել հեղափոխական նոր
պայքարի:

Երկրամասի բանվորական հեղափոխական շարժումների հերոսական էջե-
րից է Բաքվի պրոլետարիատի 1904 թ. ղեկտեմբերյան գործադուլը, որն էլ

⁹⁰ Վ. Ի. Լենին, ճլթ. հ. 9, էջ 188:

ավելի ամրապնդեց բանվորների հավատն իրենց ուժերի և հաղթանակի նկատմամբ։ Ռուսաստանի բանվորական շարժման պատմության մեջ առաջին անգամ այդ հուժկու գործադուլի շնորհիվ կնքվեց կոլեկտիվ պայմանագիր՝ նավթարդյունաբերողների և բանվորների միջև։ Բաքվի պրոլետարիատի ղեկավարության գործադուլը, որ ավելի ամրապնդեց Անդրկովկասի բազմազգ աշխատավորների ինտերնացիոնալ միասնությունը և համախմբվածությունը, լայն արձագանք գտավ ողջ Ռուսաստանում, դարձավ հետագա հեղափոխական շարժումների բարի ավետաբեր։

1900—1904 թթ. հայ ժողովրդի կյանքում պատմական իրադարձություններով հարուստ ժամանակաշրջան էր։ Մավալվում են բանվորական, ագրարային և ազգային-ազատագրական շարժումները, սկիզբ է դրվում մարքսիզմի տարածմանը, ձևավորվում են լենինյան-իսկրայական, բոլշևիկյան կազմակերպությունները, որոնք ամուր կերպով կանգնեցին լենինիզմի դրոշի տակ։

Ռուսական առաջին հեղափոխության նախօրեին, բոլշևիկյան կազմակերպությունների ղեկավարությամբ, հայ աշխատավորության ազատագրական պայքարը միահյուսվում է համառուսական պրոլետարիատի հեղափոխական, դասակարգային պայքարին, որի ուղիները լուսավորվում էին մարքսիզմ-լենինիզմի հզոր լույսով։